

Pagsasanay sa Filipino

© 2012 Pia Noche, www.samutsamot.wordpress.com

Pangalan _____ Petsa _____ Marka $\frac{\quad}{20}$

Mga sagot sa Pagtukoy sa naiibang pangngalan

Talâ: pangngalan - *noun*, pangngalang panlalaki - *masculine noun*, pangngalang pambabae (*feminine noun*), pangngalang di-tiyak ang kasarian (*common noun*), pangngalang walang kasarian (*neuter noun*)

Panuto: Ikahon ang pangngalan na naiiba sa grupo ng mga pangngalan sa bawat bilang.

- | | | | | |
|-----|-----------|-----------|---------------|-----------|
| 1. | tatay | papa | tiyo | itay |
| 2. | panganay | bunso | kuya | magulang |
| 3. | kaibigan | binata | pinsan | kapatid |
| 4. | tita | ale | ninong | yaya |
| 5. | lola | impo | lelang | ate |
| 6. | pangulo | senadora | propesora | doktora |
| 7. | senyor | nobyong | labandero | ginang |
| 8. | manlalaro | binibini | pasyente | pasahero |
| 9. | paaralan | pisara | silid-aklatan | guro |
| 10. | anak | ama | ulila | ina |
| 11. | ministro | arsobispo | pari | madre |
| 12. | bayan | lalawigan | mamamayan | lungsod |
| 13. | aktres | sirena | lakambini | diyosa |
| 14. | tsikiting | ninuno | bata | sanggol |
| 15. | kabayo | kalabaw | kambing | kabukiran |
| 16. | tandang | leona | inahin | sora |
| 17. | apo | inaanak | asawa | pamangkin |
| 18. | misis | nanay | mama | nanang |
| 19. | tiyo | kumpadre | sastre | santa |
| 20. | dentista | manunulat | kasama | abogado |

Ang mga katwiran para sa mga sagot ay ang sumusunod:

1. Ang mga pangngalang *tatay*, *papa*, at *itay* ay tumutukoy sa ama (*appellations for father*). Ang pangngalang *tiyo* (*uncle*) ay tumutukoy sa lalaking kapatid ng isang magulang.
2. Ang mga pangngalang *panganay* (*firstborn child*), *bunso* (*youngest child*), at *kuya* (*elder brother*) ay tumutukoy sa mga anak ng magulang. Ang pangngalang *magulang* (*parent*) ay tumutukoy sa ama o ina.
3. Ang mga pangngalang *kaibigan* (*friend*), *pinsan* (*cousin*), at *kapatid* (*sibling*) ay mga pangngalang di-tiyak ang kasarian. Maaaring gamitin ang mga salitang ito para sa lalaki o babae. Ang pangngalang *binata* (*young single man*) ay pangngalang panlalaki.
4. Ang mga pangngalang *tita* (*aunt*), *ale* (*stepmother; aunt; any woman*), at *yaya* (*nursemaid; governess*) ay mga pangngalang pambabae. Ang pangngalang *ninong* (*godfather*) ay pangngalang panlalaki.
5. Ang mga pangngalang *lola*, *impo*, at *lelang* ay tumutukoy sa ina ng isang magulang (*appellations for grandmother*). Ang pangngalang *ate* (*elder sister*) ay gingamit para sa kapatid na babae o babae na mas nakatatanda sa nagsasalita.
6. Ang mga pangngalang *senadora* (*female senator*), *propesora* (*female professor*), at *doktora* (*female doctor*) ay mga pangngalang pambabae. Ang pangngalang *pangulo* (*president*) ay pangngalang di-tiyak ang kasarian.
7. Ang mga pangngalang *senyor* (*sir; mister*), *nobyong* (*fiancé*), at *labandero* (*laundryman*) ay mga pangngalang panlalaki. Ang pangngalang *ginang* (*madam/Mrs.*) ay pangngalang pambabae.
8. Ang mga pangngalang *manlalaro* (*player; athlete*), *pasyente* (*patient*), at *pasahero* (*passenger*) ay mga pangngalang di-tiyak ang kasarian. Ang pangngalang *binibini* (*young single woman*) ay pangngalang pambabae.
9. Ang mga pangngalang *paaralan* (*school*), *pisara* (*blackboard*), at *silid-aklatan* (*library*) ay mga pangngalang walang kasarian. Ang pangngalang *guro* (*teacher*) ay pangngalang di-tiyak ang kasarian at ito lang ang tumutukoy sa tao.
10. Ang mga pangngalang *anak* (*child*), *ama* (*father*), at *ina* (*mother*) ay mga pangngalang tumutukoy sa mga miyembro ng isang mag-anak o pamilya. Ang pangngalang *ulila* (*orphan*) ay naiiba dahil ito ay tumutukoy sa isang lalaki o babae na wala na ang mga magulang.
11. Ang mga pangngalang *ministro* (*minister*), *arsobispo* (*archbishop*), at *pari* (*priest*) ay mga pangngalang panlalaki. Ang pangngalang *madre* (*nun*) ay pangngalang pambabae.

12. Ang mga pangngalang *bayan* (*country; town*), *lalawigan* (*province*), at *lungsod* (*city*) ay mga pangngalang walang kasarian. Ang pangngalang *mamamayan* (*citizen*) ay pangngalang di-tiyak ang kasarian at ito lang ang tumutukoy sa tao.
13. Ang apat na pangngalan ay mga pangngalang pambabae subalit ang mga salitang *sirena* (*mermaid*), *lakambini* (*goddess; muse*), at *diyosa* (*goddess*) ay tumutukoy sa mga babae na kathang-isip (*fiction*) lamang. Ang pangngalang *aktres* (*actress*) ay tumutukoy sa tunay o aktuwal na babae.
14. Ang apat na pangngalan ay mga pangngalang di-tiyak ang kasarian subalit ang mga salitang *tsikiting* (*small child*), *bata* (*young child*), at *sanggol* (*baby; infant*) ay ginagamit sa kabataan o mga bata pa lamang. Ang pangngalang *ninuno* (*ancestor*) ay tumutukoy sa mga taong may sapat na gulang na o lumipas na.
15. Ang mga pangngalang *kabayo* (*horse*), *kalabaw* (*carabao*), at *kambing* (*goat*) ay tumutukoy sa mga hayop at ang mga ito ay pangngalang di-tiyak ang kasarian. Ang pangngalang *kabukiran* (*countryside; farm*) ay pangngalang walang kasarian.
16. Ang mga pangngalang *leona* (*lioness*), *inahin* (*hen; mother animal*), at *sora* (*vixen*) ay tumutukoy sa mga babaeng hayop. Ang pangngalang *tandang* (*rooster*) ay pangngalang panlalaki na tumutukoy sa lalaking manok.
17. Ang mga pangngalang *apo* (*grandchild*), *inaanak* (*godchild*), at *pamangkin* (*nephew or niece*) ay maaaring gamitin sa mga kabataan. Ang pangngalang *asawa* (*spouse*) ay tumutukoy sa taong may eded na o may sapat na gulang na.
18. Ang apat na pangngalan ay mga pangngalang pambabae subalit ang mga salitang *nanay*, *mama*, at *nanang* ay ginagamit para sa ina (*appellations for mother*). Ang pangngalang *misis* (*wife*) ay ginagamit para sa babaeng asawa na maaaring hindi isang ina.
19. Ang mga pangngalang *tiyo* (*uncle*), *kumpadre* (*male sponsor*), at *sastre* (*tailor*) ay mga pangngalang panlalaki. Ang pangngalang *santa* (*female saint*) ay pangngalang pambabae.
20. Ang apat na pangngalan ay di-tiyak ang kasarian subalit ang mga salitang *dentista* (*dentist*), *manunulat* (*writer*), at *abogado* (*lawyer; attorney*) ay tumutukoy sa propesyon o hanapbuhay ng tao. Ang pangngalang *kasama* (*companion*) ay hindi tumutukoy ng propesyon.